

靈
樞
識

七

靈樞識卷之四

丹波元簡廉夫 著

厥病篇第二十四 諸本無篇字馬云篇內

所論不止厥病然首節有厥頭痛厥心痛
等病故名篇然此厥之爲義乃氣逆而以
此連彼之謂實與素問之厥論不同

厥頭痛

止

太陰

張云厥逆也邪逆於經上干頭腦

而爲痛者曰厥頭痛也下放此足陽明之脉上行
於面其悍氣上衝頭者循眼系入絡腦足太陰支
者注心中故以頭痛而兼面腫煩心者當取足之

陽明太陰也

頭脉痛止調足厥陰 張云頭脉痛者痛在皮肉血脉之間也心悲善泣者氣逆在肝也故當先視頭脉之動而盛者刺去其血以泄其邪然後取足厥陰肝經而調補之以肝脉會於巔也

貞貞頭重而痛止取足少陰 甲乙貞貞作員員張云貞貞堅固貌其痛不移也頭上五行行五即前篇五十九俞之穴所以散諸陽之熱逆也先取手少陰心經寫南方以去火也後取足少陰腎經補北方以壯水也簡案刺熱篇頭痛員員知貞貞字



訛甲乙爲是志註員員周轉也

意善忘

止

取足太陰

甲乙意作噫註九墟作意太

陰作太陽張云脾藏意意傷則善忘陽邪在頭而
無定所則按之不得故當先取頭面左右動脈以
泄其邪後取足太陰經以補脾氣也莫雲從云頭
面左右之動脈足陽明之脈也

脈湧有熱止後取足少陽 甲乙脈湧有熱作脈骨
先熱張云耳之前後足少陽經也其脈湧而熱者
當寫出熱血仍取本經之穴

真頭痛

止死不治

張云頭痛有二上文言厥頭痛

者可治此言真頭痛者不可治蓋頭爲諸陽之會
四肢爲諸陽之本若頭痛甚而徧盡於腦手足寒
至節者以元陽敗竭陰邪直中髓海故最爲凶兆
六十難云手三陽之脉受風寒伏留而不去者則
名厥頭痛入連在腦者名真頭痛

若肉傷痛未已可則刺 甲乙肉作內則作卽刺下
有之字馬云可取鍼以側刺其頭痛之處志云有
所擊墮惡血在于內若肉傷痛未已可則在此痛
處而刺之不可遠取之俞也簡案則馬讀爲側然
甲乙作卽則志註爲是

大痺爲惡日作者 甲乙日上有風字張云痺之甚
者謂之大痺其證則風寒濕三氣雜至合成惡患
令人頭痛不可刺也若日作者則猶有間止故刺
之可令少愈終亦不能全已也簡案此謂大痺爲
患每逢風日必作者今世多頭風如是者可令少
愈而不可令全愈經文必脫風字

頭半寒痛止陽明 甲乙無半字張云頭半寒痛者
偏頭冷痛也手足少陽陽明之脉皆循耳上行頭
角故當先取手經以去其標後取足經以去其本
也

厥心痛止取然谷 甲乙發鍼下有立已二字六十
難云五藏氣相干名厥心痛楊註諸經絡皆屬於
心若一經有病其脉逆行逆則乘心乘心則心痛
故曰厥心痛是五藏氣衝逆致痛非心家自痛也
張云控引也善癭拘急如風也偃僂背曲不伸也
足少陰之經由股內後廉貫脊屬腎其直者從腎
上貫肝膈入肺中凡疼痛如從脊後觸其心而偃
僂者以腎邪曰心是爲腎心痛也腎與膀胱爲表
裏故當先取足太陽之京骨崑崙如痛不已仍當
取腎經之然谷

腹脹胸滿止大白 甲乙腹上有暴泄二字張云足

陽明之經由缺盆下膈屬胃絡脾其支者下循腹
裏凡腹脹胸滿而爲痛者以胃邪干心是爲胃心
痛也胃與脾爲表裏故當取足太陰之大都太白
二穴簡案外臺引小品云厥心痛腹脹滿不欲食
食則不消心痛尤甚者胃心痛也出甲乙經與木
節及甲乙文少異

脾心痛也止大谿 甲乙然谷作後谷張云脾之支
脉注於心中若脾不能運而逆氣攻心其痛必甚
有如錐刺者是爲脾心痛也但然谷大谿皆足少

陰之穴取此治脾其義何居蓋濕因寒滯則相挾
乘心須泄腎邪當刺此也志云然谷當作漏谷大
谿當作天谿蓋上古之文不無魯魚之悞樓氏云
脾心痛而取然谷大谿者故孫真人張潔古謂之
妄經也簡案志改作漏谷天谿似是

如死狀止大衝 千金外臺作如死灰狀張云蒼蒼
肝色也如死狀肝氣逆也終日不得太息肝系急
氣道約而不利也是皆肝邪上逆所謂肝心痛也
行間太衝皆足厥陰經穴故當取以治之

卧若徒居 止大淵 甲乙閒上有乃字樓氏云徒居

謂問居間謂痛緩心痛卧與閒居則痛緩動作則
益甚者取肺其兼短氣者亦取肺經云心痛但短
氣不足以息刺手太陰者是也

真心痛手足青 脉經千金外臺青作清熊本同趙
府本張本作清張云真心痛者邪氣直犯心主也
毒深陰甚故手足之清至節其死之速如此清音
倩寒冷也

中有盛聚不可取於膺 千金盛作成張云中有盛
聚謂有形之癥或積或血停聚於中病在藏而不
在經故不可取於膺穴當從內以譌治之也志云

盛聚者五藏之逆氣太盛聚于中而爲心痛非循脉之上乘也

蟲瘕及蛟蛭

止

乃出鍼也

甲乙作腸中有蟲瘕有

蛭蛟心腸作心腹懣作痛作發作二字涎作涎蛟蛭也作蛭蛟也脉經千金作心腹痛懣懣發作腫聚是蛟蛭也作蛭咬也外臺引甲乙左無懣懣字張云此言蟲瘕在腸胃中亦爲心腹痛也瘕結聚也蛟卽蛭屬蛭蛭也不可取以小鍼謂其力小不能制也蟲瘕之證其痛則懣懣難忍或肚腹腫起而結聚於內或往來上下而行無定處或蟲動則

痛靜則不痛而有時休止或腹熱喜渴而口涎出
者是皆蛟蛭之爲患也簡案蛭虬蛭同音回說文
腹中長蟲也口問篇云胃中有熱則蟲動蟲動則
胃緩胃緩則廉泉開故涎下巢源云虬蟲者是九
蟲內之一蟲也長一尺亦有長五六十寸蛟張註未
見所據當是咬誤說文蛟龍之屬則非蛭屬
悉腹懷痛形中上者甲乙無此八字張云悉滿也
此重言證之如此其形自中自上而漸升者卽當
以蟲治之也悉併同音烹簡案悉字典併重文併
玉篇普行切滿也龍龕手鑑心悶也形中上者一

句疑有脫誤義不明晰

耳中

馬云聽宮穴係手太陽小腸經

耳前動脈

馬云耳門穴係手少陽三焦經

乾聃聃

甲乙作乾撻抵史云上都領切耳中垢也

下乃頂切巢源云耳聃聃者耳裏津液結聚所成
人耳皆有之輕者不能爲患若加以風熱乘之則
結勒成疔核塞耳亦令耳暴聾張云或痛或無聞
者皆不可刺之膿垢去而耳自愈矣

耳聾

後取足

馬云當取手小指之次指爪甲上

與肉交者卽手少陽三焦經關衝穴也先取之後

又取足少陽膽經之竅陰

耳鳴止後取足馬云當取手之中指爪甲上卽手

厥陰心包絡經中衝穴後取足厥陰肝經大敦穴

足髀止不可刺甲乙合作闔張云髀足股也側側

卧也樞合中髀樞中也卽足少陽經之環跳穴宜

治以員利鍼第六鍼也忌用大鍼

病注下血馬云此言下血者有當刺之穴也凡病

注下血者以肝不能納血也當取肝經之曲泉以

刺之

風痺淫灤止死也甲乙淫灤作注一字恐作怒履

水諸本作履冰當改馬云已以同風痺者其邪氣
淫洩消灤病難得愈張云病在陽命曰風病在陰
命曰痺陰陽俱病命曰風痺淫灤者浸淫日深之
謂足如履冰之寒又如入湯之熱下而股脛中而
腹心上而頭目無所不病在表則汗出在裏則短
氣不樂或爲悲哀或爲喜恐此陰陽俱病之候雖
尙可支持然不能出三年也簡案素骨空論淫灤
脛痠不能久立王注淫灤謂似酸疼而無力也攷
之原文張註似是

詳見于素問識

病本篇第二十五

馬云此與素問標本病傳

論相同然凡病必先治其本若中滿與大小
不利則不分標本而必先治之本經以本篇
論標本後論病傳分爲二篇素問合標本病
傳論共爲一篇

詳義見于素問識當參攷

先病而後逆者治其本 馬云先病曰本後病曰標

故凡先生初病而後病勢逆者必先治其初病之
爲本若先病勢逆而後生他病者則必以病勢逆
之爲本而先治之也

必且調之 素問必上有先熱而後生中滿者治其
標一句

先病而後中滿者

素問病作熱志云中滿者腹中

脹滿脾胃之所生也先病而後中滿者因病而致

中滿也則當先治中滿之標病而後治其本病

有客氣有同氣

馬云正以人之病氣有二病本不

相同而乃彼此相傳者謂之客氣也有二病之氣

本相同類而乃彼此相傳者謂之同氣也簡案素

新校正云全元起本同作司近是

間者

止

爲獨行

志云間者邪正實虛之相間故當

并行其治甚者又當獨行其治

先小便大便不利

諸本小下無便字素問作先小